

# Manmin nga mga Balita

NO. 94 OKTOBRE 7, 2018

## “Daghang Gamhanang mga Buhat ang Nahitabo sa Nagdagang Kahigayonan og Panahon!”

Ang mga miyembro sa Manmin sa tibuok kalibotan niapil sa Manmin Summer Retreat pinaagi sa GCN



Sa espirituwal nga gingharian nga gimandoan sa Dios nga mao ang espiritu, ang mga butang dinhi sa pisikal nga gingharian mahimong possible. Bisan sa tawo nga layo sa pisikal nga kalibotan, apan kon ang ilang dughan usa diha sa espirituwal nga gingharian, mahimo ang mga butang samang sila anaa nahiusa usab sa samang lugar.

Kon imong dawaton ang pag ampo uban sa pagsabot ining maong prinsipyo sa espirituwal nga gingharian, imong madawat ang tubag diha sa nagdagang kahigayonan og panahon. Makita nato ang eksampol ini sa Mateo 8. Ang opisyal mihangyo ni Hesus nga ayohon ang usa sa iyang sulogoon nga nagmasakiton og sa pulong lang ni Hesus, naayo kini.

Kining maong lihok nahitabo usab atol sa Manmin Summer Retreat 2018 nga gihimo didto sa Deogyusan Resort sa Muju niadtong Agosto 6, 2018. Daghang tawo niapil pinaagi sa GCN ang naka eksperyensya sa lihok sa Espiritu Santo, og usab sa gihimoan sa maong retreat (mga

litrato). Sa dihang si Rev. Soojin Lee, Presidente sa Pastor's Association niampo sa mga masakiton diha sa entablado sa Muju uban ang panyo nga inampoan ni Senyor Pastor Dr. Jaerock Lee (Buhat 19:11-12), daghang gamhanang lihok ang nahitabo sa tibuok kalibotan.

Sister Debora nagtambong sa Nairobi Manmin Holiness Church sa Kenya. Ang iyang igsoon kamatayon tungod sa grabing AIDS og tuberculosis. Apan human nga makadawat sa pag-ampo, nalig'on siya, nibalik ang gana sa kaon, og gani nitambong na sa Sunday Morning Service pag sunod Domingo. Sister Hishigt, 52 anyos, nakadawat sa pag ampo sa Mongolia, og nibalik ang maayong panan-aw og wala na gikinahanglana pa ang antepara kon magbasa og libro. Nawala sad ang iyang sakit sa tiil tungod sa diabetes.

Sister Roshni Devi, 62, sa Delhi Manmin Church, India niingon, “Sakit akong tuhod og naghubag ni. Permi ko turokan og painkiller, apan ang kasakit

mobalik ra dayon. Nangandam ko para sa retreat pinaagi sa pagpuasa, pag-ampo, og naminaw sa mga sermon ni Senyor Pastor ‘The Message of the Cross.’ Human sa pag-ampo sa retreat, ang kasakit sa akong tuhod og ang pagpanghubag nangawala!”

Sister Annal, 79, sa Madurai Manmin Church, India niingon nga ang kalayo sa Espiritu Santo milukop sa iyang lawas. Og nawala ang kasakit og panghuboy sa iyang tuo nga paa nga nabali kaniadto. Brother Mayavelru, 34, sa Chennai Manmin Church, India naayo sa ‘spinal fracture’. Daghan pang mga miyembro nga naka eksperyensya usab sa gahom sa Dios.

Ang mga pagpamuhat diha sa lihok sa kahigayonan og panahon nahitabo sad sa mga deaf members sa ubang nasod. Sister Kanchana Srimee, 32, sa Chiang Mai Manmin Church alang sa mga bungol sa Thailand, nakabati og tumang kasakit sa iyang tuong dalunggan unya naabli kini og nakadungog siya. Brother Pascal Pawlikowski, 50, sa France niarang ang iyang pandungog sa duha ka dalunggan,

og Sister Premla Raja Gopal, 40, sa Malaysia nakadungog og tarong pinaagi sa iyang tuo nga dalunggan.

Senyor Deconesa Nagashima Keiko, 47, sa Tabata Manmin Church Tokyo, Japan nakabati sa tumang kasakit sa iyang tonsils. Human nakadawat siya sa kaayohan. Sister Queenie Ancero, 22, Cebu Manmin Church, Philippines nakakuha og trabaho human sa pag-ampo. Daghan pang nagpamatuud nga sila nakadawat sa gitinguha sa ilang dughan.

Si Honorary Senior Deaconess Kyosun Kim, 81, Parokya 5, sa Manmin Central Church dili makaadto sa retreat kay mag panglipong tungod sa ‘low blood pressure’. Pag apil niya sa retreat pinaagi sa GCN diha sa ilang balay og nidawat sa pag ampo, ang pagpanglipong nawala og ang blood pressure nisaka sa 117. Makahimo na siya karon sa pag lakaw sa gawas.

Atong hatagan sa tanang pasalamat og dungog ang Dios nga nagpamatuud sa katinuud sa Bibliya pinaagi sa pagpakita sa Iyang dakong pag pamuhat.

### Mga Russian Pastors sa Manmin Summer Retreat 2018

Ang Manmin Summer Retreat 2018 niapilan sa katawhan gikan sa 25 ka mga nasod. Uban kanila naay bishops og mga pastor sa St. Petersburg, Kaliningrad, og Western Ural sa Russia. Wala gyod nila sipyata ang pagtambong sa mga seminar, Athletic Meet, og Campfire Praise & Worship. Og ilang na eksperyensya og nabati ang gugma og gahom sa Dios diha sa kalipay.



**Pastor Aleksandr Samonov,**  
Bishop sa The Association  
of Christian Churches  
sa Kaliningrad Diocese

“Init kaayo sa Seoul, apan bugnaw og presko sa lugar gihimoan sa retreat. Kahibulongan kaayo. Grabi ang kusog sa organisasyon sa simbahan, og ang mga miyembro nanag hinigugma-anay og nag silbi sa usag-usa. Akong mabati ang ilang panaghiusa diha sa Ginoo.”



**Pastor Vladimir Osipov,**  
Chairman sa United Holiness Church  
of Jesus Christ, Russia

“Ang Manmin mahinungdanong elemento ining kalibotana tungod kay ang mga miyembro sa simbahan nagpakita sa tinuod nga gugma para sa Dios. Ang retreat espirituwal nga kasaulogan, og kami napuno sa kalipay og kasadya. Dakong oportunidad aron among ma eksperyensya ang langitnong kalipay bisan nia pa ta ining kalibotana. Pinaka malipayong panahon nako ining tuig 2018.”



**Pastor Valerii Trenogin,**  
Bishop sa The Association  
of Christian Churches  
sa Western Ural Mission

“Lipay kaayo ko nga nia ining maong kasaulogan nga puno sa grasya. Lipay kaayo ko nga nakakita sa mga miyembro sa simbahan nga malipayong nalingaw. Nagustohan kaayo nako ang retreat. Akong nadawat ang dakong grasya labi na sa akong pagdayeg sa Ginoo sa krus atol sa Campfire Praise & Worship.”





Senyor Pastor Dr. Jaerock Lee

“Si Hesus niingon kanila, ‘Sultihan ko kamo; kon dili kamo mokaon sa unod sa Anak sa Tawo og dili moinom sa iyang dugo, dili kamo makabaton og kinabuhi... Kay ang akong unod mao ang matuud nga pagkaon og ang akong dugo mao ang matuud nga ilimnon” (Juan 6:53-55).

## Ang Pagkaon sa Unod og Pag-inom sa Dugo sa Anak sa Tawo (2)

pinasubay lamang sa matuud. Sa pag memorya sa Bibliya, dili lang igo nato memoryahon ang bersikulo diha sa atong mga ngabil apan maningkamot sa paghinuklog niini. Pananglitan, atong memoryahon ang bersikulo sa Mateo 5:44 nga nag ingon, “Higugmaa ang inyong mga kaaway og iampo ang mga nagpasipala kaninyo”, ato sad ning buhaton sa atong kinabuhi.

Kon buhatan ta og daotan og biaybiayon, pinasubay sa Pulong sa Dios ato siyang higugmaon og iampo pa gani. Kon ang sugo sa Dios ato lang ibutang sa atong ulo isip kahibalo, ang atong dughan mahasol, og magdumot sa uban sa kataposan atong gantihan ang daotan og daotan usab. Apan, kon atong himoong pan kining maong kasugoan, ang gugma og kalooy mobaha diha kanato og makalingkawas kita sa pagdumot og kasuko. Kon atong ipadayon ang paghimog pan diha sa pagpaubos kita makalingkawas sa pagka aroganti.

### 2. Ato gyod sad imnon ang Dugo sa Anak sa Tawo

Ang paghimo nato og pan sa Pulong sa Dios wala lang magkinahanglan nga atong sabton ang Kasulatan diha sa inspirasyon sa Espiritu Santo apan nga makita ang grasya og kusog sa Dios pinaagi sa mainitong pag-ampo. Gikinahanglan usab ining mga hut-onga ang paningkamot sa matag usa sa saktong pagtoo sa Pulong og sa praktis niini. Kini mao ang pag-inom sa dugo sa Anak sa Tawo.

Mao nga, “ang pag-inom sa Dugo sa Anak sa Tawo” nagpasabot sa pag praktis sa Pulong sa Dios. Ang Pulong sa Dios mabahin sa upat ka katigoriya. Mao ang “Pagbaton,” “Pagsalibay,” “Pagbuhat,” og ang “Dili pagbuhat,” og kita angay nga magtamod ini.

Kon walay lihok sa pagkamasinugtanon, dili nato ma eksperyensya ang lihok sa Dios og kon dili nato unang ma eksperyensya ang lihok sa Dios, dili nato maabot ang pagtoo nga lawum. Santiago 2:22 nag ingon, “Busa klaro kaayo nga ang iyang pagtoo giubanan sa mga buhat og ang iyang pagtoo nahingpit pinaagi sa iyang mga buhat.” Dinha pa nga kon atong ipakita sa Dios ang atong buhat pinaagi sa pagtoo, ang pagtoo

nga gikan sa kaalam mausab ngadto sa pagtoong espirituwal.

Bisan sa pinasugdan ang pagtoo sa usa sama lang kagamay sa liso sa mustasa, kon siya perming magpakita sa Dios sa lihok sa iyang pagtoo, itugot sa Dios nga siya maka eksperyensya sa Iyang grasya og gahom og magapamuhat alang sa pagpatubo sa iyang dakong pagtoo. Kon kita mosalig sa Pulong sa Dios og mo praktis ini og “mahingkod kita sama sa kahingkod ni Kristo” (Efeso 4:13).

Sa laing bahin, kon dili ta magpraktis sa pulong sa Dios bisan naapa tay’ gamay nga pagtoo human nga makadawat sa Espiritu Santo, dili ta makabaton og eksperyensyang espirituwal og ang atong dughan dili mabag-o bisan pag naay gilapdon ang atong kinabuhi diha ni Kristo. Gani dilikado pa nga ang atong pagtoo mawala og kita mahilayo niini. Ako mo awahag ninyo sa paghingpit sa inyong pagtoo pinaagi sa pag-inom sa dugo sa Anak sa Tawo.

### 3. Magbaton gyod Ta og Pagtoo Uban sa Buhat aron Atong Madawat ang Kaluwasan, Eternal nga Kinabuhi, Tubag, og Panalangin

Kon ikaw nagsalig sa mga saad sa Dios diha sa Bibliya, ang imong pagtoo siguradong inubanan sa buhat. Pananglitan naay mosaad nimo og bahandi nga mokantidad og minilyon nga dolyar og mobutang ini didto sa Washington D.C. Og moingon nimo nga gikan sa New York City lakaw paingon didto, sa gilay-on nga may 331 ka kilometro (mga 206 milya), imong makuha ang maong bahandi. Kon buot nimong kuhaon ang maong bahandi og kon ang maong tawo kasaligan, molakaw gyod ka gikan sa New York hangtod sa Washington.

Tungod ini, katunga sa Santiago 2:26 nagpahinumdom nato nga “Patay usab ang pagtoo kon walay buhat.” Daghang tawo moingon, “Nagtoo ko sa Labaw’ng Makagagahom nga Dios” apan kay dili man sila bug-os nga nagtoo, dili sila makapakita sa pagtoong inubanan sa buhat. Sigun sa Pulong sa Dios, ang espirituwal nga pagtoo lamang nga inubanan sa buhat

maoy makahatag nato og kaluwasan, grasya og tubag sa Dios sa atong mga pag-ampo.

Ang ubang tawo mokutlo sa Roma 10:13 nga nag ingon, “Ang tanang mosangpit sa ngalan sa Ginoo maluwas,” kon atong lantugion bisan ang tawong nagpuyo sa kasaypanan maluwas kon sila moasoy sa ilang pagtoo. Magsulay sila sa paglempyo sa ilang makasasalang buhat. Apan kining maong bersikulo nagsimbolo sa dakong gugma sa Dios nga miluwas sa mga makasasala pinaagi ni Hesu Kristo og dili kini pagagamiton aron sa pag limpyo sa mga nagbuhat og daotan.

Kay ang Pulong sa Dios dili mausab ato gyod pangitaon ang saktong pares ini, atong sutaon ang matag bersikulo diha sa Bibliya og diha lang sa interpretasyon sa Kasulatan pinaagi sa Espiritu Santo kita makakuha sa saktong pagsabot. Roma 10:9-10 nag ingon nato, “Maluwas ka kon ipahayag mo nga si Hesus mao ang Ginoo, og sa kinasingkasing motoo ka nga gibanhaw siya sa Dios. Gihimo kitang matarong sa Dios kay nagtoo man kita sa kinasingkasing gayod og naluwas kita kay gipahayag man nato kini.” Ang Roma 10:13 nagtumbok lamang niadtong niasoy sa ilang mga ngabil nga nakaabot sa kamatarong, mao ra ang moresulta sa kaluwasan.

Unsa may gipasabot sa Bibliya sa giingon, “...Gihimo kitang matarong sa Dios kay nagtoo man kita sa kinasingkasing gayod”? Atong mabasa sa Roma 2:13, “Kay dili pinaagi sa pagpamati sa Balaod nga ang mga tawo mahimong matarong atubangan sa Dios, kon dili pinaagi sa pagbuhat sa gisugo sa Balaod.” Sa ato pa, kon kita tinuod nga mitoo diha sa atong kasingkasing sa Pulong sa Dios nga atong nadungog, kita magpakabuhi pinasubay sa Iyang Pulong og kini maoy maghimo natong matarong.

Mahal nga kaigsoonan diha ni Kristo, pinaagi sa matinguhaong pagkaon og pag-inom sa dugo sa Anak sa Tawo, ako mag-ampo sa ngalan sa Ginoo nga ikaw makapahimoot sa Dios uban sa pagtoong inubanan sa buhat og molambo ka sa tanang parti sa imong kinabuhi.

### Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipyat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhi og ginhawa sa tawo og sa tanang butang” (Buhat 17:25).

“Ang kaluwasan makaplagan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwas kanato” (Buhat 4:12).

**Manmin** nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 08389  
Tel: 82-2-818-7047 Fax: 82-2-818-7048  
http://www.manmin.org/english / www.manminnews.com  
E-mail: manminen@manmin.kr  
Publisher: Dr. Jaerock Lee  
Managing Editor: Geumsun Vin



## “Ang utok sa akong anak nadaot sa grabing atake, apan dali kaayo siyang naayo!”

Sister Kanglim Park, 28 anyos, Gumi Manmin Church

Sayo sa Marso 2018, ang akong 3 katuig nga anak nikalit og atake. Og bisan human sa simana didto sa hospital, wala gyod mobalik ang iyang panimuot. Ang doktor niingon nga na apektohan siya sa dili matinong klase sa ‘epilepsy’. Ang dakong pag atake nidaot sa iyang utok.

Samtang naglakaw ko sa gawas wala mahibalo unsay angay buhaton, akong nakita ang karatula sa Gumi Manmin Church nga akong natambongan niadtong gamay pako. Pagsulod nako, dihay prayer meeting. Niingon ko sa Dios diha sa pag-ampo, “Ginoo, buot nalang ko mamatay apan mahadlok ko nga ma impeyerno.” Human sa pag-ampo nga naghilak sa makadiyot, mo lakaw na unta ko. Og akong nabanggaang ang akong amiga nga maoy nidala nako sa simbahan og ako siyang gisultian sa akong sitwasyon. Pagsunod adlaw gibisitaan mi sa hospital sa pastor sa mga estudyante og sa Young Adult’s Mission sa simbahan. Iyang giampoan ang akong anak gamit ang panyo nga inampoan ni Senyor Pastor Dr. Jaerock Lee (Buhat 19:11-12).

Sunod adlaw nahitabo ang milagro! Si Saura niabli sa iyang mata, nihilak og nakaila nako! Gibalhin siya sa ward og unya gipagawas sa hospital. Marso 30, ang doktor niingon nga ang iyang utok nadaot pag-ayo. Kini maoy hinongdan sa iyang dysdipsia, og pakaonon siya pinaagi sa tubo sa ilong sa tibuok niyang kinabuhi. Nidugang pa siya sa pag-ingon nga walay pagtambal pa nga makahatag og kasiguradohan sa iyang kaayohan o kausbawan.

Nisugod ko og salig sa buhi nga Dios. Nagbaton sa Adlaw sa Ginoo, naghatag sa ikapulo, og motambong sa tanang klase sa serbisyo apil na sa Wednesday Service og Friday All-night Service. Samtang nag-ampo sa Daniel Prayer Meeting, Afternoon Prayer Meeting, og Special Prayer Meeting, nagbasol

ko uban sa mga luha nga wala magsimbahan. Akong gihinulsolan nga wala mamati sa gugma sa Dios og nakighigala sa kalibotan. Akong gipadawat ang akong anak sa pag-ampo ni Senyor Pastor alang sa mga masakiton matag adlaw og gabii.

Abril 20, sa kalit akong nahunahuna nga basin makalamoy siya og pagkaon. Ako siyang gihatagan og lugaw, og iya ning gilamoy. Ako siyang gipahiling aron mahibaw-an ang abilidad sa iyang pagkaon og paglamoy, og nakita nga normal na siyang makalamoy og makakaon. Dugang pa, kay ang iyang facial muscles dili man makalihok, kon mohilak

siya tingog ra ang madugog og dili molihok ang iyang nawong. Nalihok na niya ang iyang nawong og mo-smile na. Hasta ang iyang kamot og tiil makalihok na. Sa akong labawng pagsalig sa Dios, nagkaayo gyod siya.

Ang doktor niingon nga permi unya siyang atakehon, apan wala na gyod bisan wala na nako siya hatagi og tambal. Dako gyod kaayo ang iyang kausbawan. Karon mototoy na siya sa beberon.

Atol sa Manmin Summer Retreat 2018, nakalingkawas siya sa ‘acromyotonia’ nga maghasol niya usahay. Bisana na siyay tambal ani dili nako ihatag niya. Apan naayo

siya sa retreat! Og ako nakadawat og grasya sa retret. Akong na diskobre ang akong negatibong hunahuna og nag ampo ko aron makahalad og kahumot sa hingpit nga kalipay og nagpasalamat sa Dios. Akong nabati nga layo ra kaayo ko sa Ginoo bisan nag ingon ko nga nagtoo ko Niya. Apan pinaagi ining maong insedente, akong nabati ang Iyang dakong gugma alang nako og nagpasalamat ko nga nagiyahan para sa kaluwasan.

Akon pasalamatan og himayaon ang Dios sa Iyang kamaayo. Ako sad pasalamatan ang Ginoo nga niayo nako.

## “Naayo ko sa panulongdong sakit nga walay kaayohan!”

Brother Amrit Kumar, 33 anyos, Delhi Manmin Church, India

Sa miaging unom katuig, ang akong lawas nikalit og tikig. Dili ko makalihok og dili makalakaw. Niadto ko sa hospital sa Delhi, apan bisan ang ngan sa akong sakit wala hing-ilhi. Gihiling ko pag ayo sa doktor apan dili nila mahibaw-an unsa ang akong sakit og niingon nalang nga kini ‘panulongdong sakit nga walay kaayohan.’ Kining sakita nakahatag nako og dakong kasub-anan sa kinabuhi.

Dili ko makalihok kon ako ra. Dili gani bisan sa pagkaon naman lang. Dili sad ko makalakaw kay matumba man ko. Buhi ko apan ang akong lawas murag patay. Dismayado kaayo ko og gibiyahan ko sa akong asawa. Nagsalig nalang ko sa akong inahan.

Pebrero 2018, nagiyahan ko sa Delhi Manmin Church pinaagi ni Brother Mahesh nga akong silingan. Kay nakat-on ko sa kabubut-on sa Dios diha sa Bibliya pinaagi sa mga sermon, nagbaton ko sa Adlaw sa Ginoo. Samtang, akong namatikdan ang akong sintoma nagkagaan. Sa akong pag hinayhinay og praktis sa Pulong sa Dios, ang akong lawas nakabaton og kusog og makahinayhinay nako og lakaw. Ako nalang ganing usa mosaka sa hagdanan paingon sa ika-3 indana. Magamit na ang akong kamot og tiil, og gani karon nagtrabaho nako!



Nakadungog ko mahitungod sa Manmin Summer Retreat og nangandam sa akong kaugalingon aron pagdawat sa kaayohan. Sa gisugyot ni Pastor John Kim nga magbasa ko sa libro ni Senyor Pastor Dr. Jaerock Lee nga *The Message of the Cross* og pagpaminaw sa iyang sermon “The Measure of Faith.” Naghinulsol ko uban sa pag-ampo og pagpuasa.

Agosto 6, mga 200 katawo nagpundok didto sa simbahan og niapil sa Summer Retreat pinaagi sa live broadcasting sa GCN. Naminaw mi sa mensahe ni Rev. Dr. Soojin Lee. Sa dihang siya nag ampo sa mga masakiton gamit ang panyo nga inampoan ni Senyor Pastor (Buhat 19:11-12), akong nabati nga naay nihikap nako. Akong nabati nga giayo ko sa Dios.

Sunod adlaw, akong nabati nga napresko ko. Nindot na kaayo akong pamati sa lawas og makasuwat nako. Makalitok nasad ko og tarong. Karon makasaka og makanaog nako sa hagdanan sama sa normal nga tawo.

Ang akong lawas samang patay nga walay makaayo bisan ang midikal nga pagpanambal, apan nahimo kong tinuod nga buhi pinaagi sa gahom sa re-creation. Akong hatagan sa tanang pasalamat og himaya ang Dios nga niayo nako.



Tel: 82-2-824-7107  
www.gcnetv.org  
webmaster@gcnetv.org



Tel: 82-2-818-7331  
www.manminseminary.org  
manminseminary2004@gmail.com



Tel: 82-2-818-7039  
www.wcdn.org  
wcdnkorea@gmail.com



Tel: 82-70-8240-2075  
www.urimbooks.com  
urimbook@hotmail.com





## “Napuno ko sa pasalamat tungod sa pulong sa kinabuhi og sa gamhanang lihok!”

Sister Angelica Campos, 57 anyos, Peru Manmin Church

Usa kaadlaw, nakapaminaw ko ni Senyor Pastor Dr. Jaerock Lee sa iyang sermon sa “Heaven” sa Enlance TV, ang nag-unang TV station sa Spanish-speaking nga mga tawo. Na grasyahan kaayo ko og nagpa rehistro isip miyembro sa Peru Manmin Church niadtong Mayo 2012.

Nagpuyo ko sa Cerro de Paseo 4,380 metros imabaw sa sea level. Moabot og 16 ka oras ang akong tibuk biyahe ngadto sa Peru Manmin Church sa Lima, capital nga siyudad. Naanad kong mogikan sa akong balay Biyernes sa gabii og moabot sa Lima 5:00 sa buntag Sabado. Adto ko matulog sa balay sa akong mga anak, og moapil sa Sunday Morning og Evening Services og inig kagabii mogikan nasad pauli sa akong balay. Wala gyod ni palta tungod kay lipay kaayo ko sa akong matoohong kinabuhi. Naayo ko sa urinary incontinence nga naghasol nako sulod sa 14 katuig og naka trabaho pinaagi sa pag-ampo ni Dr. Lee sa nagdagang kahigayonan og panahon.

Sugod 2014, ang akong mga silingan nakahibaw na sa Manmin og manag pundok mi aron moapil sa Manmin worship Service sa online. Natukod ang lokal

nga santuwaryo sa among lugar diin adto mi manag pundok aron moapil sa worship service sa santuwaryo og gani usab sa Daniel Prayer Meetings. Nagsilbi kong leder sa simbahan. Lipay kaayo ko.

Hulyo 4, 2018, ang akong bana na hospital tungod sa anemia og sa ‘gastrointestinal hemorrhage’. Ang iyang hemoglobin niubos sa 7.6g/ dL, ang normal kay 13.0 – 16.0g/ dL. Duol na siya sa kamatayon. Ang doktor niingon nga posibleng kanser og gihatagan sa daghang medical exams. Ako siya perming gipadawat sa pag-ampo ni Senyor Pastor pinaagi sa internet og smartphone. Hulyo 6, ako siyang giampoan gamit ang panyo nga inampoan ni Senyor Pastor (Buhat 19:11-12). Ang mga test results nigawas og gipakaingon nga naa siyay gastric ulcer, nga layo ra kaayo sa gidudahang diagnosis sa doktor.

Buot kong magpadayag sa akong kalipay nga nakaapil sa Manmin Summer Retreat 2018 sa Korea. Gusto kong makadawat sa kaayohan sa akong kidney nga naghasol nako sulod sa 10 katuig. Apan ang usa sa sintoma ining sakita mao ang grabing edema tungod sa init nga panahon. Kon init ang ubos nga

bahin sa akong lawas manghubag nga ang akong hawak modako sa sukod nga gikan sa 30 moabot og 46 inches. Nagduhaduha ko sa makadiyot tungod sa grabing init sa S. Korea. Apan nagdako ang akong pagtoo nga maayo ko kon moadto sa Korea. Nangandam ko ubos sa tinguha sa kasingkasing og naghinulsol pag-ayo sa akong mga sala kay gihatagan man ko sa Dios sa dakong grasya.

Sa kataposan niadto ko sa retreat. Atol sa siminar sa unang gabii, si Rev. Soojin Lee nag ampo alang sa mga masakiton gamit ang panyo nga inampoan ni Senyor Pastor. Akong nabati ang kalayo sa Espiritu Santo nga miabot nako. Akong nabati nga wala nakoy sakit og naayo na. Pag adto nako sa Seoul human sa retreat, init kaayo ang panahon gani naay isyu sa ‘heat wave warning’. Apan komportabli rako og nagsige gani og lakaw.

Sa pagbisita, akong nabati ang dakong gugma sa Dios diha sa Manmin og nakadawat sa kaayohan. Akong pasalamat og himayaon ang Dios og ang akong Ginoo sa gugma. Salamat Senyor Pastor sa pag-ampo nako.



▲ Pastor Peter Kim og mga miyembro sa Peru Manmin Church sa Manmin Central Church



## “Naayo ko sa atopik dermatitis human nga nihunong ko sa kalibotanhong kahilayan!”

Sister Yerim Kim, 19 anyos,  
12th grader, Manmin Central Church

Pag elementary nako, ang atopik dermatitis mitumaw sa ubang parti sa akong lawas. Apan naayo tungod sa pag-ampo ni Senyor Pastor Dr. Jaerock Lee. Apan nibalik pag 9th grader nako og dali kaayong ni grabi.

Naa koy smartphone, unya maminaw ko sa mga iladong kalibotanhong mga kanta, motanaw og video nga makadaot sa akong espiritu, og magduwa sa smartphone. Wala na koy tinguha sa pagtoon og sa matoohong kinabuhi kay nahigugma naman ko sa kalibotanhong kalipay. Og unya nag-antos ko sa grabing dermatitis sa akong kamot og tiil. Katol kaayo ang akong kamot, og niabot sa tiil nga magtikiang ko mo lakaw. Pag adto nako sa hospital, giingon nga naa koy atopik dermatitis og gitagaan ko og tambal.

Niinom ko sa tambal og namutang sa ointment, apan walay pulus. Bisan pa og si Senyor Pastor sige og ingon nga higugmaon ang Dios labaw sa tanan, ako nahigot og maayo sa kalibotan. Dili ko makahunahuna sa pagbalik ngadto niya. Kon akong makita ang akong kaugalingon nga nibalik nasad sa kalibotanhong butang diin nihunong na unta ko, maghunahuna lang ko nga, “Tawo ba ko? Kulang ba ko sa konsensya?”

Kataposan sa Hulyo 2018, sa dihang nagkaduol ang Manmin Summer Retreat, akong nahunahuna nga dili nako magdugay. Niadto ko sa Daniel Prayer Meeting og nakakita sa daghang mga miyembro sa simbahan nga nag ampo pag ayo.

Pagkakita nako nila nakaingon ko nga buot kong magbag-o. Akong gipapas ang tanang mga games og sobra sa 200 pop songs sa akong smartphone. Paghuman sa akong pag ampo og maayo, akong nabati ang kanindot og nagmalipayon ko samang naay bag-ong kasingkasing nga nagpitik diha nako.

Ni desisyon ko nga moapil sa tug-of-war match isip miyembro sa unang Great Grand Parish atol sa summer retreat. Aron pagpapahawa sa mausab-usabong hunahuna, niadto ko sa praktis kada adlaw. Samtang, ang atopik dermatitis nagkaarang dayon. Ang bisan unsang midisina wala makaayo kaniadto, apan akong nabantayan nga sa akong pag-usab niarang ang akong sakit. Naayo gani bisan wala pa ang retreat.

Kaniadto, mag medyas ko bisan sa ting-init, apan karon dili na. Akong tagoan ang akong kamot aron dili makita sa uban apan karon dili nako magtagotago sa kamot. Halleluyah!

Sayo sa Agosto, niapil ko sa Manmin Summer Retreat og akong na eksperyensya ang kahibulongang gahom sa Dios. Naghilak ko pag-ayo nga naghambin sa gugma sa Dios, sa Ginoo og sa magbalantay. Napanalanginan ko pag-ayo. Karong mga panahona, presko kaayo ang akong pamati og buot kong mabag-o gyod ang akong kaugalingon og labawng magsilbi sa akong ginikanan. Akong hatagan sa tanang pasalamat og himaya ang buhi nga Dios sa iyang kamaayo.

### Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy. San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714